



Diario



pa Aruba

TRY.....

Tropical Cherry

a fine NEW softdrink

from
Tropical Bottling Co.
call 1773

Instrata directacondi

cionado na Bo
Cas AWOR!!

tel. 2170

Nr. 3385

DIABIERNE 13 MAART 1959

Si, amanan di cas, cumpra na e tienda di pueblo cumpra na LA ESPERANZA N.V.

UNDA BO POR HANJA

6 opel pa solamente Fl. 0.95. Hala di galinja, unicamente Fl. 0.80 pa poki di un liber. Nescafe Fl. 2.75 pa botter. Lechi Friesche Vlag di 5 liber unicamente Fl. 4.55. Arroz Uncle Ben di 3 liber pa Fl. 0.99. Catsup Fl. 0.39 pa botter.

Y asina nos por sigui menciona nos superbaratillo den nos Supermarket LA ESPERANZA N.V.

Politica petroleo di Venezuela ta pa evita guerra di prijs cu Mediano-Oriente

Lo worde establece control y produccion racionalista na Venezuela

New York, 12 maart. — E ministro di minanan di Venezuela, Dr. Juan Pablo Perez Alfonso, a declara durante un entrevista exclusivo cu e revista „Petroleum Week”, cu e politiek petrolero di Venezuela ta pa evita un „guerra di prijs” cu e paisnan di Mediano-Oriente.

E programa petrolero di Venezuela, segun e ministro a splica e programa, ta contene e siguiente tres punto:

1) Buscamentu di colaboracion cu Mediano Oriente pa stabila produccion y prijsnan y evita un concurrencia desastroso;

2) Establecimiento di un sistema di control y racionalizacion dje produccion di zeta bruto, manera nan ta haci na Merca;

3) Stimulacion di re-inversion na Venezuela dje ganashi di e companianan petrolero.

„Tin solamente dos centro importante, cu ta cumpli cu e necesidadnan creciente di mundo; esakinan ta Mediano Oriente y Venezuela”, asina Dr. Perez Alfonso a bisa. „Nos lucha ta particularmente pa evita un guerra di prijs. E lucha pa mantene e prijs di petroleo na nivel di Merca ta basa riba mas cu motibunan egoista. Naturalmente un dje motibunan ta pa

evita perdida financiero como resultado di reduccionnan inhumana dje prijsnan”.

E ministro a expresa su preocupacion cu e posibilidad, cu lo bini un sistema „dobbel” di prijs — un prijs pa Merca y e otro prijs pa sobra di mundo, un situacion, cu lo por word domina cu limitacionnan di importacion di Merca y produccion „limita” afor di Norteamerica.


Control y produccion racionalista

Papiando dje control cu lo worde establece y un produccion racionalista na Venezuela ministro Perez Alfonso a declara, cu en hecho „el lo ta mesos cu na Merca pa mantene un industria stabul y mantene e produccion”. E mester evita tambe desequilibranan economico, causa door dje

cambionan grandi den e produccion di zeta di Venezuela, cual su estabilidad economico ta depende particularmente di petroleo. „Y”, asina e ministro venezolano a bisa, „e zeta, cu nos warda awe, lo tin hopi mas halor aki 10 anja”.

E ministro a bisa cu segun su opinion un produccion diario di 3 miljen barril ta bon pa Venezuela, pero e no tin intencion di larga e produccion keda na e mes nivel pa semper, pasobra necesidad di zeta ta aumentando continuamente.

Ministro Perez Alfonso lo ta na cabes di un delegacion venezolana cu lo atende e Congreso Petrolero Arabi, cu lo cuminsa na Cairo dia 1 di April. Venezuela, cual pais a ser invita como „observador”, lo ta e unico pais presente cu no ta un pais arabe.



„HANDY ANGLE” NA SUPERCREMA

E firma Supercrema na Oranjestad ta e prome comprador di e materialnan di Handy Angles Ltd di Inglaterra cu ta riba plaza na nos isla pa mediacion di senor Carlos Juliao.

Handy Angle ta plattchi di herro perfera, cu barranan den diferente tamanjo, largura y anchura, cu den ratu di ora por worde usa pa traba trapl, mesa, cashi y hopi otro cos mas. E material no ta oxida. Senor Juliao a entrega e prome materialnan na Supercrema, dos trapl y un mesa. E traplan di palu cu tabata worde usa antes den Supercrema den poco tempo tabata putri den e fabrica di leche caminda nan ta usa hopi awa. Riba e foto nos ta mira Sr. Carlos Juliao (r.) y su asistente Alfonso Pirela para banda di e traplan y e mesa traba di Handy Angle.

„New York Times” a critica e limitacion dje importacion di zeta na Merca

NEW YORK, 12 mrt. — E corant americano „New York Times” a critica e limitacion obligatorio dje importacion di zeta na Merca, awe. E corant a bisa cu esaki ta „un victoria infortunado pa un cierto grupo, cu lo alcanza su ideal na desventaja di prosperidad general y posiblemente hasta na desventaja, di esnan, cu a insisti pa tuma e medida”. E corant a bisa ademas den e editorial: „Si cumpli cu deseo dje grupo aki, e limitacionnan nobo riba importacion di zeta probablemente lo pone e prijs di zeta y su produccion subi tochi, ta posible cu hasta prijs di carbon lo subi, y asina e presion inflatorio cu gobiernu ta trata di combati na otro manera, lo worde fortifica mas. E argumento di seguridad nacional pa garantiza cu Mer-

ca lo tin suficiente zeta pa necesidadnan di emergencia den futuro, lo mester warda mas tantu zeta Mericano posible bao di tera y aumenta e importacion di zeta, no reduci e importacion ey.”

E corant a referi tambe na e posibilidad, cu estranheria lo mira den e medida un acto nobo di guerra economico di Merca contra su amigonan.

FATUM — Tel.: 1845
Pa tur bo asegurado

Eleccion na Hulanda

Como 6 milion hulandes cu derecho di voto a duna nan votonan riba e candidatonan dje 12 partidonan politico:

DEN HAAG, 12/ — Awe nochi 7or di Hulanda, e stembureauan den mas cu 900 comunidad na Hulanda a cera y como 6 milion Hulandes cu derecho di vota a hantia oportunidad di vota riba e candidatonan dje 12 partidonan politico, cu ta tuma parti na e eleccionnan pa e Tweede Kamer nobo. Ainda no ta posible pa bisa nada tocante e cantidad di hende cu a vota. E eleccionnan a tuma lugar den tur tranquilidad y no tabatin ninun incidente.

Manera ta custumber ANP ta spera di por duna e resultadonan final 6 te 7 hora despues cu e stembureauan a cera. Awe e gabinetebeel tambe a bira demisionario. Prof. Beel a efrece retiro di tur e ministronan y secretarionan di estado na S.M. La Reina. La Reina a tuma e peticion aki en consideracion y el a pidi e ministronan y secretarionan di estado pa sigui haci tur loke nan ta considera na beneficio di Reirado, asina gabinete di La Reina a informa.

Tweede Kamer nobo le reuni pa prome bez dia 20 di Maart. Durante un asamblea comun di Eerste y Tweede Kamer e ministro di asuntunan interno lo habri e sesion nobo di Staten-Generaal.

ARREGLO NOBO DI SERVICIO DI VERANO

AWOR K.L.M. LO HACI VUELONAN PA EUROPA 12 BIAHA PA SIMAN

Oferta di luga pa anja 57.000 lugar Aruba-Corsow vice-versa (pedida na '58 26.000 lugar)

E arreglo di servicio di Verano na anja 1959, cual lo drenta na vigor dia 1 di April p.v. ta para entre otro den cuadro di expansion den territorio di Caribe como preparacion pa e periodo veridero di avion di reaccion.

Un otro ta bini na expresion den aumento dje frecuecianan riba lineanan intercontinental di Antillanan ida y vuelta. Asina tambe e servicionan di Europa over di oceano centro Atlantico den frecuencia lo ser aumentado di 4 te 6 bez pa seman. Den e servicionan di New York vice-versa e frecuencia lo aumenta mesos di 4 pa 6 bez pa seman.

Unavez cu e servicionan aqui ta duna un comunicacion directa riba e servicio non-stop Amsterdam-New York vice-versa, lo bin existi comunicacion Antillanan-Europa vice versa di 12 bez pa seman.

Luego e frecuencia pa Lima, cu actualmente ta tumando luga 1 bez pa seman, lo ser aumenta na dos bez pa seman, pa cual motibo e mes avion lo sigui su vuelo di Corsow pa Lima.

Tambe e servicionan pa Mexico lo ser aumenta den frecuencia di 2 pa 3 bez pa seman, pa cual cambio e

nachtstop na Guatemala den direccion sur lo queda suspendi.

E servicio pa Paramaribo lo tuma luga 2 bez pa seman cu un avion DC-6.

Naturalmente e extensionnan aqui lo mester tin repercusion riba otro lineanan, unavez como cu semehante flota ta solamente un cierto numero di servicionan por ser haci.

Como cu servicionan di islandhop no a satisfice na loke a spera di nan, a dicidi tambe pa publica cu e servicionan aqui lo no ser explota mas cu minzando toi dia 1 di April p.v.

E frecuecianan entre Antillanan y Miami p'e mes motibo ai lo ser reduci di 4 bez na 3 bez cu DC-6 y un bez cu CV-340.

Oferta di luga
Ta di comprende cu riba e diferente lineanan unda e frecuencia a aumenta e oferta di luga a aumenta tambe. Ademas riba 2 dje 6 frecuecianan pa Europa (y na Lima), sea limita, lo ofrece acomodacion primera clase, huntu cu e clase di turista y clase de lujo cu ya eaba ta existi.

E oferta di luga entre Corsow y Aruba ta ser aumenta trobe cu e servicio nobo di verano aqui y pa ser mas exacto: cu 8 por ciento di Cor-

sou pa Aruba y cu casi 10 por ciento di Aruba pa Corsow.

E oferta di luga riba e ruta aqui ta consisti di cerca 57.000 sientu pa anja pa direccion contra un pedida na anja 1958 di cerca 26.000 luga. De la manera cu tin bon speranza, cu e problema di oferta minimo di luga den periodonan di emergencia lo tuma formanan menos serio. Ademas di esai e oranan di salida dje servicionan local lo bira mas favorable.

Riba e ruta di Corsow-Bonaire e oferta di luga tambe ta aumenta den ambos direccion y cu 33% mas. Riba e ruta aqui ta ser ofrese awor pa anja un numero di sientonan di cerca 10.000 pa direccion, mientras e pedida cu a ser haci aqui pa anja 1958 tabata 5.000.

Di moda cu den esaiqui tambe por spera mejoracion anto den e situacion di luga cu ta asina limita.

Diferenteun

Awor cu e pista na Corsow a bira asina largo cu lo por start cu un peso di start mas altu, lo cuminsa cu tres servicionan pa Europa directamente: Curacao-Sta. Maria (Azorean), pa cual cambio e tempo di vuelo pa Europa ta bira mas corto.

(E ta sigi pag. 2)

Lago a gana Concurso di Seguridad pa di dos Anja Consecutivo

Den seguridad, Lago ta prome atrobe! E siman aki National Safety Council a anuncia cu Lago Oil & Transport Co., Ltd. a retene e prome lugar den su concurso anual. Asina Lago a bolbe gana prome premio, di primer na 1957 y primer na 1958. Empleadonan di Lago a haci Lago e refineria mas seguri den mundo pa dos anja consecutivo.

E frecuencia cu a duna Lago e prome sitio den e concurso tabata .90. E frecuencia promedio di companianan participando den e concurso di NSC Manufacturing, Entire Company Division, Petroleum, tabata 29.

E frecuencia di Lago, maske un ganador anja pasa, tabata un poco mas halto cu na 1957. Esey tabata .61, e mehor cu a worde establece. Sinembargo, e frecuencia di .90 tabata di tercer mehor den historia di e programa di seguridad di empleadonan di Lago. Anja 1954 a produci un frecuencia di .68, e unico otro anja cu un frecuencia mas abao.

En vista di e mehorando acoflectamentonan di seguridad den henter industria petrolero, e acoflectamentonan di Lago dos anja tras di otro, ta bira mas notable. Ademas di bolbe gana e prome lugar, e acoflectamento di anja pasa tabata di cinco vez cu empleadonan a establece un record di seguridad cu ta mehor cu

otro refineria na mundo. E prome vez tabata na 1948. Desde e tempo nan a sigui den anjanan 1949, 1954, 1957 y 1958.

Ademas, empleadonan di Lago a acumula un lista largo di Premionan di Honor di National Safety Council pa acoflectamento sobresaliente. Ocho premio di honor a worde gana pa trahamento durante mas cu tres milion ora. Di prome tabata na 1951. Dos a worde gana — 1947 y 1957 — pa acoflectamento sobresaliente compara cu otro refinerianan den e mes division.

Empleadonan di Lago tin un historia largo di acoflectamento di seguridad. Sinembargo, nan no ta bai sosega awor. Seguridad ta sigui ser realizacion di keke ta bini, y empleadonan di Lago ta determina pa mantene na compania na cumbre den terreno di seguridad.

RESULTADO DI HERSENGYMNASTIEK

ORANJESTAD — Diarazon anochi den e concurso di hersengymnastiek di Radio Kerkboom e equiponan di Accountantsdienst y di departamento di Bouwkunde di D.O.W. a enfrenta otro. E grupo cu nos a mencion prome a gana cu 28 — 20½. Dia 18 di Maart, otro siman Diarazon lo enfrenta otro departamento di Administracion di D.O.W. y A.T.S. E concurso ta na Hulandes.

Revolucion na Honduras

TEGUCIGALPA, 12 Maart. — Segun informacionnan ricibi na Tegucigalpa, capital di Honduras, awe mainta, un grupo grandi di revolucionario, a bai Honduras for di Nicaragua ayera nochi. E rebeldenan a uni den e pueblito San Geronimo, como 20 km for dje ciudad Choluteca.

Segun e mes noticianan no-oficial gobierno di Honduras a duna eherito order pa bai San Geronimo mas pronto posible.

Tabata tin atentado atrobe na Honduras durante e ultimo 2 dianan. Diarazon anochi un bom a explota den cas di Alfredo Lara, presidente dje consejo central dje distrito, y Diarazon anochi (esta ayera nochi) un bom a explota den cas di Salvador Larios, un huez di Corte di Apelacion.

Cuater empleado di Lago preso pa hortamento

SAN NICOLAS — Pa motibo di hortamento di materialnan den Lago, di cual e valor total no ta calcula ainda te cu ayera, pero cu ta worde acepta cu ta di hopi halor, cuater empleado, esta L.S. A.B. J.M.H. y C.F. a worde aresta pa hortamento e.g. heling.

Registramento na nan cas a saca hopi material horta cu claridad. Nan ta sigi cu e investigacionnan.

Texas Furniture Store

VOOR

Zitkamerameublementen

DRINK

MORE

KIST

now available in more different flavours than ever: Pineapple, kola champagne, orange, lemon lime

Victoria Bottling Co.

Phone 5192

ATENCION

Ultimo dia pa paga pa e
Excursion di dia 26 di mei
pa Bonaire cu avion ta dia
14 DI MAART 1959.

Madame Alice Beauty Salon

NASSAUSTRAT
ta solicita e dama cu a
presenta na su Beauty
Salon siman pasa solici-
tando trabau.
E persona concèrni
sea asina bon di pa-
sa na nos oficina.

E articulo di 1001 posibilidad HANDY ANGLE di Inglaterra.



Full demonstration of information cerca

GENERAL STORE (C. L. JULIAO)

Agente pa HANDY ANGLE LTD.

GRATITUD

Pa medio di esaki nos expresamos mas sincera gratitud na Dr. Wille
la Fariña y Dr. Blane Zúñer y verpliensterman di San Pedro Hospital, Dr.
Edmundo J. Polanco y Dr. Aldegonde, na familia, bisnieto y comitadon,
cu di un of otro manera a nos un aprecio durante enfermedad y mor-
ta di nos maner.

MARIA THOMASA TROMP

Kende a fallece dia 25 di februari 1959.

Na number di su esposu
Vicente Tromp y jioeman.

In het

Aruba Caribbean Hotel is ruinte beschikbaar voor een REISBUREAU.

Gegadigden worden verzocht zich schriftelijk in ver-
binding te stellen met de heer Carl Wolff, c/o

ARUBA CARIBBEAN HOTEL CASINO.

Pa mayor kilometrahe...
usa e

ACUMULADOR WILLARD

DI **MAXIMA
POTENCIA**



Economia di combustible, mihor
funcionamento di e motor, salida
instantaneo... solamente bo por
logra cu e acumulador Willard di
maxima potencia. Evita desgaste,
obtene mas rendimiento... cum-
pra Willard, e bateria riba cual
bo por confia.




Agente:
ALEJO G. TH. ARENDS
P. O. Box 107
Aruba.

Throughout the world
more people buy
Seagram's V.O.
than any other
imported whisky.



ARUBA TRADING COMPANY
Oranjestad - Aruba



POSTKANTOOR MODERNO. — President Eisenhower a primi un kanopi den White House y cu esei ela pone na operacion e postkantoor di mas mecaniza cu tin na mundo, e Postkantoor cu a caba di ser moderniza di Washington City. Hefe di Postkanjor Arthur Summerfield ta para den e seccion di mail cu ta bai sali banda dje mashinnan Bell pa sortea e cartanan. Tin un sistema eiden di conveyor 9 milja largu, cu por move 5 milyon di pieza diariamente; cinco milja di „Mail Flo“ conveyor belts; equipo semi-automatico pa carta y postpakket worde sortea y un laboratorio pa desarolla mas mashinnan.

Awor KLM lo haci vuelonan.....

Cont. di pag. 1

Den e schema nobo Aruba ta hanja 2 servicio next-stop Aruba-New York vice versa pa seman, mientras lo hula e trayecto di Curacao-New York vice versa 4 bez pa seman.

Cemo cu den e schema nobo lo hula pa Mexico 3 bez na luga di dos bez pa seman y e aterizaje intermedio riba e servicio aqul ta extendi, tur servicionan lo ta mas rapido cu awor.

Pa medio di un schema nobo entre Corsou y Paramaribo e extension di vuelonan di bai y bini Surinam ta considerablemente mehora. Awor por bai Surinam riba Dialuna, Diarazon y Diabierne. Y por bini for Paramaribo Diarazon, Diabierne y Dia-domingo.

Cemo cu e servicionan di island-hop a suspende, Havana a ser turna tres bez pa seman den e servicionan restante di Miami.

Pa medio di un revision modifica den I.A.T.A. awor e estipulacionnan limita pa cu entrega di alimento economy-klasse a ser considerablemente suaviza. Esaki tin pa consecuencia, cu entre otro e calidad di cuminda-
nan a ser mehora, pa cual e servicio den economy-klasse casi ta bin bira igual na esun di clase di turista.

Tambe e nivel di servicio riba otro trayectonan lo ser aumenta mas tanto posible. Asina ta socede cu e servicio dje trayectonan di Miami lo bira igual na e trayectonan di New York, loque entre otro ta contene cu por ehemplo den primera clase bo por scobe den dos sorto di cuminda ta cual di nan bo ta prefera.

Awor cu dia 1 di April a ser crea un servicio directo di dos bez pa seman di Curacao pa Lima cu Super Constellation, ta jama atencion especial riba e tarifa di retour na e pais aqul cu ta costa solamente f 596.— (florin di Corsou). E tarifa prome tabata fls. 730.—. Pa emidio di esaki Lima ta ser alista den e situacion di vacation, cu por ser alcanza favorablemente.

Conferencia di prensa

Pa introduci e arreglo nobo dje servicio pa Venao na e medionan di

publicidad na Aruba, KLM a tene un conferencia cu prensa ayera tardi na Babi Ruti.

Entre esnan cu tabata presente nos a mira senjor G. Ph. U. de Stoppelaar, hefe di venta di KLM pa Antillas, senjor P. E. W. Prior, hefe di venta pa Aruba, senjor M. J. van der Burg, hefe di trafico di KLM, senjor H. Kenter cu ta preme asistente di gerente general di KLM pa Caribe, senjor Godfried Eman, agente general pa KLM na Aruba, mr. C. Heulke, representante di e Sociedad di Comerciantes local, senjor Michael Kuiperi kende ta hefe di Toeristenbureau y senjor Harold Oduber kende tabata presente den nomber di Camara di Comercio.

Senjor de Stoppelaar durante su discurso di introduccion a bisa cu den composicion dje arreglo nobo, aki KLM a tene tanto cuenta cu tabata posibel cu deseara di su relacionnan, pero cu tur hende lo compronde cu no ta tur e desonan por worde cumpli.

Gustosamente e kier a ser informa si tabata algun hende cu otro desonan respo e arreglo nobo aki. Riba esaki a worde sugeri pa hasi e servicionan entre Corsow y St. Maarten un poco mas frecuente, pa motibo cu nan tabata opina cu e linea aki tabata ocupa di mas. Esaki en cambio a worde contradici pa experionan den instancia aki, como nan ta pensa di ta recorda cu e ocupacion tabata uniformemente 59 porciento. Sinembargo nos lo studia e asunto aki un biaha mas. Riba e pregunta si e „economy-class“ denier di poco tempo lo worde introduci entre Antillas y Europa, nan ta bisa cu esaki segun ta muestra sigur lo ta e caso. Tocante Europa a worde observa cu e ruta via Montreal a keda completamente anula.

E avion tipo DC-7, contestando riba un otro dje preguntanan, posibel tene cu bini Antillas, no ta imposibel si cu e DC-8 lo bini despues. Esaki posibel lo tuma lugar na fin di 1960. Por lo menos nan a tene

cuenta caba cu esaki na e vliegvel Dr. Albert Plesman.

E avionnan di eborro di otro paisnan riba trayectonan trans-Atlantico no ta molestia KLM na nada. Door dje aterizajenan intermedionan cu e avionnan aki mester hasi, casi no ta hasi e temponan diferencia muchu, ademas tin muchu poco ainda den uso comercial pa trece cambionan grandi den transportacion riba ecean.

Si acaso e typonan di avion di jet bini Aruba anto algun cambio ta necesario na e aeropuerto, pero nan ta supone cu esaki na ta un problema asina grandi. Ora cu e avionnan aki ta bai baha por ehemplo, riba e caminda grandi, e avionnan mester stop, mesos cu ta e caso na otro paisnan. Senjor Eman a suplica pa KLM paga mas atencion posibel pa bon conexi-
onan cu Aruba, en bista dje aumento di trafico di turismo en relacion cu e sector na Palm Beach. E ta spera cu KLM lo tene cuenta cu su plan-
nan venidero pa e lugarnan aki, siendo cu turismo ta un dje puntanan mas importante pa e islanan aki.

Aumentacion dje frecuecianan di

Trafico di avion y pasaheronan

Di Luchthavenmeester, senjor C. Heemskerk, nos a ricibi siguiente dato-
nan tocante e trafico na nos vlieg-
veld durnate preme lunan dje anja
aki:

| | | | |
|----------------------|--|-----------------------|--|
| Januari 1958: | | Februari 1958: | |
| Pasahero: | Entrada 0207 Transito 1338 Salida 2146 | Pasahero: | Entrada 1818 Transito 1419 Salida 1814 |
| Total | 5491 | Total | 5051 |
| Aterrizaje: | | Aterrizaje: | |
| | Comercial 205 Privado 19 Gobierno 4 | | Comercial 190 Privado 13 Gobierno 2 |
| Total | 228 | Total | 205 |
| Januari 1959: | | Februari 1959: | |
| Pasahero: | Entrada 2253 Transito 1745 Salida 2304 | Pasahero: | Entrada 2264 Transito 1597 Salida 2173 |
| Total | 6302 | Total | 6034 |
| Aterrizaje: | | Aterrizaje: | |
| | Comercial 201 Privado 13 Gobierno 11 | | Comercial 201 Privado 13 Gobierno 11 |
| Total | 225 | Total | 225 |

Grupo di Carroll a gana e consurso di radio durante e concurso di AARC

SAN NICOLAS — Ayera nos a worde informa cual tabata e gana-
dor entre gruponan cu a tumá parti
na e excursion di Aruba Amateur
Radio Club Diadomingo u.p. na cada
man mester a mira cuanto contacto
nan por a haya durante 24 hora cu
un aparatonan di transmision y re-
cepcion cu nan coleganan den exle-
tief. E ganador tabata e persona-
nan en orop li E. R. Carroll, cual
tabata stationa banda di Dos Playa.
Nan a logra 479 contacto, y asina
a gana un total di 951 punto.

No 2 a bira e grupo di senjor L.
D. McBurney, cual tabata stationa
den orop li San Jose, nan a logra 323
contacto y a gana 813 punto. E
grupo di senjor C. W. Wilson cu
tabata na Sea Grove a hasi 148 con-
tacto y a gana 296 punto, y e grupo
di senjor J. Hassell, cu tabata den
emueu na Balashi a sali cu 64 con-
tacto y cu un total di 192 punto.
Naturalmente e grupo cu tabatin e
transistor mas fuerte tabata hepi
mas ventaha cu e otro. Nan a
hasi contacto cu 42 di e 49 estacionan
di America, tambe cu New Found-
land, Inglaterra, Hulanda, Alemania
y Canada nan a hasi contacto.

PELICULA PA ST. HYA- CINTHUS GROEP

SAVANETA — E grupo di produc-
tor „St. Hyacinthus“ lo presenta
mayor anochi pa 7.00 or un peli-
cula, entitula „Cock eyed Weeder“ cu
Mickey Rooney, den nan troephuis
na Savaneta.

Antillas pa New York mester worde
considera como un esfuerzo di break-
even riba e trayecto aki. Te cu awor
KLM ta perde placa cu e linea aki,
cual principalmente ta motibo dje
tarifanan cu ta muchu abao. Na princi-
pio KLM mester a tene cuenta cu
tarifanan dje companianan Americano
riba e trayecto San Juan—New York.

A worde suplica tambe pa con-
sidera pa introduci toeristenklasse
riba e trayectonan aki. Refiriendo na
e pregunta aki senjor Eman ta ob-
serva cu esaki probablemente no ta
posibel. Pa un parti cu e frecuencia
dje trayectonan aki tabata muchu
poco y tambe cu e paisnan vecin-
dario no ta duna suficiente coope-
racion. Por ehemplo nan no ta permiti
pa KLM usa avionnan mas grandi cu
e typonan Convair na e paisnan aki,
cu e consecuencia cu e aumento di
pasahero no ta asina tanto, como na
e paisnan ayi nan tin avionnan mas
comfortable di otro, companianan y
naturalmente e pasaheronan ta pre-
fere esakinan mas tanto cu e Con-
vairs y DC-3, cual te unico typonan
cu KLM mag usa na e paisnan aki.

De „ARUBAANSE COURANT“ lo cos un
gave van de N.V. Arubense Drukkerij en
Uitgeverij en Publ. Mij. en wardi gader
„De N.V. Drukkerij en Uitgeverij“
Telefoon 1111. Directie de Advertentie
telefoon 2116. Redactie en Abonnementen
Lesse nummers 70 cent. Verkoopplaats
Directie Drukkerij en Uitgeverij, B.J. STAATSB
uitvo.

Air Condition your home

TOT STRAKS IN



TROCADERO

Met grote blijdschap geven wij
kennis van de geboorte van
onze dochter

Mildred Josephine

De Heer en Mevrouw
Charles H. Lampe-Saladin.

Aruba, 12-3-1959.

NOTICIA

di e DISCOTECA

di

A.B.C.-STORE

Nassaustr. - O'stad
Tel. 1814

A caba di ricibi un coleccion nobo
di disco .e.o. di:

CELESTE MENDOZA

CONJUNTO CASINO

BENY MORE

SONORA MATANCERA

MEXICAN FOLK SONGS di

Miguel Aceves Mejia

Estrellas del Caribe:

„ADIOS QUERIDA“

„AY... TA MI DANKI“

Beny More: „MARACAIBO

ORIENTAL“

Orquesta Aragon:
„QUE CALORI“

pidi un portret di cada dje persona-
nan cu ta bai pa publicidad den e
corantnan.

Hopi interes pa e deporte aki.

A resulta cu tin hopi interes pa e
deporte aki. Na e torneo internacional
na Colombia lo tuma parti, Venezuela,
Corsow, Aruba, Panama, Ecuador,
Cuba y naturalmente Colombia mes.
Despues dje ultimo wega cu gan
a tene pa hasi e seleccion pa e
equipo di Aruba, nan a escohe: B.
Gruszewski, J. Montesanti, A. Jacobs,
L. Wilson y M. Bergen. Pa e equipo
di junior lo bai dos manera nos a
menciona ariba, ta: Andrecto Bicker
di Estrella, campeon di junior na
Aruba, y Roy Gibbs di Don Bosco.



„OSCAR“ FRANCES: —
Marilyn Monroe tin den su
man e equivalente frances
di e „Oscar“ americano,
despues di a ricibi su pre-
mio pa e mihor actriz di an-
ja na Consulado Frances na
New York. Ela hanja e pre-
mio pa su actuacion den
„The Prince and the Show
Girl“.

Si Senores, bira donjo di

LA ESPERANZA

cumprando accion pa solamente

fl. 100.- pa uno.

DIA DI PASCU GRANDI....



Un Dama mester ta bon bisti.

Nos pedido di

MODA DI PRIMAVERA 1959

a yega na tempo y ta ob-
tenible den nos negoshi awor

Ta sigur cu bo tambe lo hanja algo di
bo gusto!

CASA MATIAS

FIGURA y PAASEIEREN
di CHUCULATI

nos ta ricibi dialuna cu „Daphnis“.

Nos ta hanja den e pedido aki e.o.:

Paaseieren den ocho dife-
rente smaak

Diezcuatro diferente
sorpresa
(den bunita maculu of
cচিতা)



EXTRA! EXTRA! EXTRA!
UN DOZIJN DI WEBO FRESCU
di fi. 2.— PA FLS. 1.25.

Solamente durante e siman prome cu
Pascu Grandi (23 te 28 di maart)

KEES GROCERY N.V.

John G. Emastraat 30 - Tel. 1079

Pascu Grandi
ta acercando!

Nos a ricibi un surtido enorme di

- ◆ PAASHAZEN DI CHUCULATI,
cikitito y grandi
- ◆ PAASEIEREN den saco di plastic,
den macuto of los.
- ◆ BARRA DI CHUCULATI LINDT
Bonbons (di likeur y cherry) den
nan cahita of los.
- ◆ VERF PA VERF WEBONAN



Ademas un lote nobo di:
PISCA, LENGA FRESCU y SCHOL, LENGA, SCHOL,
BAKIAU, SCHELVIS, FILET DI PALING, PALING HUMA,
CAMARON, MOSSELEN y HARING TEMPERA, ROLMOP.

Especial pa e weekend aki:
100 gr. TONGENWORST
100 gr. HAAGSE LEVERWORS*
100 gr. HAM.

fl. 1.—
POR
HUNTO

SEIS PAKI
di
OMO
(mediano)
Fl. 0.99

VELD STORES

Articulos di plas-
tic pa uso di cas

Mas mihó - mas sólido - mas bunita - mas barato



WARENHUIS
v.d. REE
Oranjestad

PAGINATRES

Demanda Di Ocho Anja Contra F.H.R. Cu A
Mata Waldimir Victor Na Lago Heights

ORANJESTAD: — Den corte di prome instancia ayera
mainta rabatin e road di F.H.R. di 29 anja, kende ta wor-
de acusa di a hinka Waldimir Victor mata cu cuchu, dia
25 di januari u.p. potras di Lago Heights Club na San Ni-
colas.

R. ta un tercio color scur cu un cara
rondó, cu na prome bista lo bo no pen-
sa cu ta e tipo cu lo hinca hendé ma-
ta. E historia cu ta sali na claridad no
tabata tanto interesante. Un pleitu a
cuestion e la bai club na Lago
Heights, na unda el tabata sabi cu Vic-
tor tambe lo ta. Pa siguranza e la per-
cura pa hiba un cuchu grandi si acaso
tabatin bringamento. Un pleitu a cu-
minza entre E.C.H., un amigo di R.,
cu a bai buntu cu ne, y Victor: Victor
y H. a cuminza ta manda otro cu bot-
ter. Na cierto momento Victor lo a ranca
bini riba R. y R. ta pasa man pa un
botter y Victor ta corre bai. Corrien-
do tras di Victor R. a alcanzale, kende
tabata herida caba door di un botter
cu a cohele mecos cu H. e amigo di
R. y banda di curra di e terreno di de-
porte R. a duna Victor e hinka mortal,
kende casi inmediatamente a muri.

Acusado cu no tabatin intencion di
mata e otro, pero aki fiscal no ta di
acuerdo cu ne. Ningun bende por hiba
un cuchu na unda e sa cu e tin un
enemigo y planta e cuchu aki den su
pechu, si e no tabatin intencion di ma-
ta. Mr. Flick ta banya cu tin suficiente
prueba contra acusado te hasta por

bisa, cu e homber a mata inten-
cionalmente. y a prepara pa esey.
Tumando na cuenta sin embargo cu
Victor a provoca R. tambe na princi-
pio, fiscal ta demanda un castigo di 8
anja di prison cu descuento di voorarrest.

Mr. A. H. Roose, huez, lo duna sen-
tencia despues di 14 dia.

Tel. 1637 Rondeweg 49
Bloemenhuis
ROZENHOED
pa
KRANS PA MORTO
Laga un experto haci bo trabao.

Despues cu R. a worde hiba for di
sala door di e wardador di presonan,
E.C.H. ta yega dilanti huez. Esaki ta-
bata e juncuman cu a herida Victor
durante e bencamento di botter. Tu-
mando na cuenta cu ta H. a avisa R.
cu e lo hanya Victor na e club, y cu
no ta cuestion di defensa propio, mr.
Flick ta demanda un castigo di prison
di seis luna contra dje, di cual cuater
ta condicional. Den su demanda fiscal
a bisa tambe cu ta masha probable cu
e botter cu e la dal Victor den su ca-

bez por tabata influencia riba e fin
tragico di Victor.

Despues di e defensa di Mr. P. van
der Voort, kende ta referi na defensa
propio di su cliente, huez ta sentencia H.
conforme e demanda di fiscal, y asina
ta rechaza e argumento di e abogado
di H.

Heineken's contra
Amstel awe noch

(Di nos Sportreporter)
ORANJESTAD — E dos ganador-
nan di e dos premier partidonan di
e campeonato AA lo enfrente otro
awe noch den Wilhelminastadion. Ta
e dos novenan cervicero Amstel y
Heineken's ambos procedente di San
Nicolas cual lo resulta vencedor ta
difícil pa pronostica, pero si nos ta
sigur cu e partido aki lo resulta suma-
mente interesante. Heineken's lo haci
tur su esfuerzo pa tuma e liderato
di e campeonato for di tempran,
mientras cu Amstel tambe lo haci tur
su posibel pa keda na cabes.

Nos ta spera cu awe noch lo tin
mas di dos umpire ya cu no ta bene-
ficioso pa e deporte ora cu ta unica-
mente dos homber mester haci tra-
bajo di por lo menos tres.

Coronel Shawaf ta na bida?

DAMASCO, 12/3. — E corant sy-
rio „Al Alam“ a informa awe tardi,
cu coronel Shawaf, lider dje rebe-
lion na Irak, no a ser asesina, y cu
ainda e rebeldeonan ta bringa den e
cerrunan.

UN GRAN FELICIDAD

ta ora bo por

MIRA

Pero bo ta

MIRA MIHOR

cu un

BRIL

di



Oduber & Kan inc.
Opticians tel. 2193

BO POR ESCOGE
DEN MAS DI
200
MODELOS.

E STEM INOLVIDABLE

pa Tuyuchi

No. 5

Den wowonan di Catharina tabata
brilla awor un triunfo abierto. Y el a
bisa:

„Esai ta masha noble di bo banda.
Sra. Chalmers. Lo mi perea bon
p'e y lo mi debolhe bo bo esposu ben
di salud trobe“.

Naturalmente anochi ora cu Gray a
bini cas e por a duna e muhe un splic-
acion logico dje encuentro. El a
conveni un entrevista cu e arqueologo
y Catharina lo mester tabatin un en-
trevista cu esaki su muhe. Sinem-
bargo a bin socede cu na e mesun ora
ai tabatin un conferencia organiza cu
directiva dje sociedad cu a invita e
experto den antiguedad. Y ta p'esai
na e hotel camina e encuentro mester
a tuma luga, cu masha dispensa nan
a suplica nan di por regresa trobe
2'or y mei, cuvez di 12'or y mei.

Ta mas cu elaro cu e ora ai e dos
coleganan tabata huntu y nan a bai
lunch den e restaurant di mas cerca
dje luga.

Glenda a acepta e declaracion aqui,
pero e tabata puntra su mes ta pui-
co. Catharina mester a procede asina
stranjo cu su palabra y observacion-
nan di mofa y sarcasica.

Tabata como si fuera ta pa malo
e quier a cultiva desconfianza. Y den
esai el a logra masha bon, pasobra
foi e momento ai cada bida Catharina
tabata preocupu cu tur loque Catha-
rina tabata haci y largu cu respecto
di su caso.

Na e fiesta cu Glenda a haci pa
celebra nan segundo lustro matrimo-
nial, Catharina tabatin e atrevidez di

bisa Glenda den su cara cu e tabata
locamente enamora riba Gray. Y e
hecho cu Gray tabata casa, esai no
tabata haci ningun sorto di influencia
riba dje, pasobra toeh e tabata perene-
nee na un dje sortonan di hobennan
moderna, cu tabata lapi moral y con-
vencion na nan zapato. Y leque
e muhe aqui a bisa tabata su opinion
y su ideanan fijo.

CHOOSE A BED FOR
A LIFETIME
CHOOSE
AUPING
BEDS
MESKER - agents

Ainda Glenda tabata recorde tambe
e bochincha violento cu tabata existi
entre Gray y Glenda ora cu esaki
a puntra su casa cu e mester a com-
bida Catharina tambe pa nan fiesta.
Glenda a nega di combide, pero
Gray a munstre cu esai tabata imposi-
ble pa e largu di haci y e no por
a largu di combida Gray cu querde e
tabata traha diariamente den e mes
un oficina. Porfin e muhe a bin obe-
dece.

Cumpleaños feliz

Pa cortesia di
MARIO'S

nos tin tur cos pa bo fiesta

Senior Francisco Kelly ta celebra
su feliz cumpleaños y ta ricibi felici-
tacion di su esposa Maria, junan
Pedro, Cristina, Agnes, Rafael,
Miguel, nietanan Nata, Vilma, suegra
Josefa, rumannan Leo, Anna, Ade-
laida, Pedro, Antonio, Jan, Jose,
Petra, Flora, tambe di su ihanan,
sobrinonan y muy especial di familia
Boekhoudt.

Ta celebra su 4 anja e hobencito
Marlin Tromp. Felicitacion ta bini di
su tata Thommy, mama Brigida, 3
sobrinanan Glenda, Reay, Sira, su
amiguitanan Adriana, Lucresia, Lidia,
Lourdes.

E simpatica senjorita Adelicia
Croes ta celebra su feliz cumpleaños
y ta ricibi felicitacion di su mama
Juchi, rumannan Bito, Frans, Rosa,
Chia, Jossy, John, swa Dora Croes,
estimada sobrinanan Yvonne, Henki,
Sonny Croes, amiganan Theresita y
Aida Croes.

Bo mester di un regalo
pa bo omo??
MARIO'S
tin
COGNAC

E linda hobencita Christina Maria
Lampe a cumpli 7 anja di feliz exis-
tencia. Felicitacion ta bini di su
mama Maria, tata Felix, rumannan
Bebby, Buy, Nel, tanta y omonan,
wela y welo y especialmente di prima
y primonan, amiga Nanachi, Grace,
tur su amiganan di St. Filomena
College.

A cumpli 56 anja senjora Francisca
Maduro. Felicitacion ta bini di su
esposu Eloutorio, 10 junan, cunja-
nan, nieto y nietanan, muy especial-
mente di Clara, y nieto Theodorus
Carlos Maduro.

E caballero Walter Arends a cum-
pli arja y ta ricibi felicitacion di su
rumannan Erica Arends, Diana, Ed-
win, Eric, Ymelda, Franklin Arends,
tambe di Edna y Jan Mellis, Aura
y Dani de Cuba y di Jean y June
de Cuba.

E hobencito Rudolph Nicolaas ta
celebra su 13 anja di feliz existencia
y ta ricibi felicitacion di su tata
Meregilio, mama Maria, wela Petra,
tur su rumannan, padrino y madrina,
omo y tantanan, prima y primonan,
tur su amiganan di Sint Augustinus
College.

E gentil caballero Alejandro Fran-
ken ta recorda su fecha natal y ta
ricibi felicitacion di su mama, tata,
rumannan Editha, Rufino, Mario, y
Carmen Franken, swa Mario Lume-
nier, especialmente di su comprome-
tida Olga Winterdaal y demas familia
Franken, Quandus, Van der Biezen
y Winterdaal y tur su amigonan.

Hopi felicitacion ta bay awe pa
Sr. Crispiano Rasmijn, pa parti di su
esposa Bibiana, junan Luisa, Cecelia
Rasmijn, mama Bibiana, padrino
Chico, rumannan Demetrio y Fran-
cisco, cunja Myrna, wela Felicia
Werleman, sobrina Carmen, solirino
Nemencio Rasmijn, tambe di tanta y
omonan, primo y primanan, tur su
amigonan y demas familia Werleman
y Rasmijn.

brazo di su muhe y a bisa:

„Si mi sa esai. Mi ta teme cu en
realidad mi a descurida nan. Pero Catha-
rina tabatin un par di noticia
masha importante di conta mi. Y ta
p'esai nos a bai haci naturalmente un
paseo den parque“.

„Lo mi quier a conseha bo di ha-
ci bo convencionnan objetivo den o-
ranan di oficina. B'a queda fo mas
di mei ora largu“.

„Mei ora? y awor e homber a re-
saca un fluit suave. „Anto mi mes-
ter bai p'den masha libe trobe“.

El a corre pasa door dje hardin y
Glenda quier a sigui su tras, ora el a
ser detene cu un risa odioso di Catha-
rina. El a queda para te ora cu e
muhe a yega nias cerca dje.

„Basta cu bo n' ta haci jaltur cu
mi, senjora? Y e manera cu el a bisa
„Senjora“ tabata na un manera
sarcastica.

Y e muhe cu no por a wanta mas
a grite na mal manera:
„Esai lo ta mucho honor pa bo.
Ningun hende cu tin un poco huicio
lo bira jaltur pa un celebra manera
bo“.

„Ahan no? Pero bo sa cu un muhe
cu ta asina loco cu su casa manera bo,
poco bez sa ta huicioso? Y cu ser-
pientenan of celebra manera bo quier
yama nan por ta bestianan masha pe-
ligroso talvez?“

El a papia na un tono como si fue-
ra e tabatin mas autoridad y derecho
riba Gray cu Glenda mes cu ta su
casa.

„Ta quier ta precisamente bo in-
tencion, senjorita Lensler?“ el a sabi
di puntra airdu.

„Bo mes n' por calcula esai ainda?“
„Si... bo, ta trata na quita mi
homber foi mi“.

„Y esai ta prohibi anto? Bo n' co-
noce e proverbio cu ta hisa cu den
guerra y den amor tur cos ta permi-
ti?“

E ta sigi

Pa aviso y tur correspondencia pa „Ar-
ubaanse Courant“ dirigib na:
Nassaustraat 85, Oranjestad.
Tелефон 3116 Redaccion y Suscripcion
Numero sueto di ARUBAANSE COURANT
ta obtenibel na Union Store,
Main Street, San Nicolas

AGENDA

DIABIERNE 13 DI MAART

CINE

DE VEER
8.30: „De twee wezen“
RIJTO
8.00: 1) „Hell's Outpost“
2) „The fighting chance“
PRINCIPAL
8.00: „A certain smile“
AURORA
7.30: „The bachelor party“
SAVANETA
7.30: „Four boys and a gun“

TAORO - MANGO juice

BOTICA DI WARDIA:
Oranjestad: Botica Oduber
San Nicolas: Botica San Lucas.

AIR CONDITIONING

PARTERA DI WARDIA:
Zr. E. S. T. Braumuller, tel. 1355

„A.A.“
Clubgebouw
(canto di lama dilanti di Strand Hotel)
Habri:
Diasabra noch di 7.30 'or. Tel. 2341

RADIO VICTORIA

Diabierne 13 di Maart:
4.00 Musica di Banda
4.15 Melodiano di alma
4.30 E Bijbel babri
4.45 Momentos musicales
5.00 Joxas del Hogar
5.15 Musica para cena
5.45 Cafe con musica
6.00 Ultimas noticias
6.15 Hora decisiva
6.45 Tesoros musicales
7.00 Noticias na Hulandes
7.10 Concert Hour
7.45 The Bandstand
8.00 World News
8.10 Off the Record
8.30 Back to the Bible
9.00 Musical Gems
9.30 Haven of Rest
10.00 World News (repeat 8.00 news)
10.05 Hymns that live
10.30 Sign off

LICENCIADONAN.

Boso por kier un mihor vacacion,
cu shita tras di stuur di un
MERCEDES BENZ?
E ta na bo alcance...
KUSTERS TRADING CO.
Oranjestad - Tel. 1012

RADIO CARACAS TELEVISION

Canales 2, 7 y 10
Viernes, 13 de Marzo:
7.55 Marcha Oficial
7.57 Informacion programas del dia
8.00 Lo de hoy
9.30 Pelicula
12.00 Show de las doce
1.15 Su novela Feb-Vorita
1.30 El imparcial Firestone
2.00 Pelicula
4.00 Club Femenino
5.00 Cosas de mujeres
5.30 La perfecta ama de casa
6.00 Show de Renny
7.00 Ande
7.15 Cita con el destino
7.30 El investigador submarino
8.00 El observador Creole
8.15 Su novela Palmolive
8.30 El programa Good Year
(Mike Hammer)
9.00 La novela Camay
9.15 La novela L&M
9.30 Cielorama
10.00 Cortos cinematograficos
10.30 Cineprograma
12.00 Despedida—Himno Nacional.

LA COMODIDAD

J. G. Ewanstraat 70 - tel. 1607 - 1608
Ta perea pa bo
fiesta di matrimonio
y otro fiestanan.

NOBO NOBO NOBO

Nassaustraat 34
A caba di ricibi cu „Sta. Rosa“
Panja bunita pa Pascu Grandi. Ca-
taena-seda cu disenjo di ultima mo-
da, panja „dimiti“ pa muclia y pan-
ja blanco pa Viernes Santo.

„ULTIMAS NOTICIAS“

obtenible na UNION STORE
Mainstreet - San Nicolas

Nutricia
MILK
POWDER

Oduber & Kan inc.
Opticians tel. 2193

NOS TIN UN UTILAJE COMPLETO

nos tin specialismo
i nos ta dispuesto
pa duna bo un bon servicio.

ODUBER & KAN
OPTICONAN DEN NASSAUSTRAT No. 47

CISCO KID

Tapon no a ganja, dos jinet ta bini. Nan ta Cisco y su socio. Nan lo bisa cu esaki ta un asesinato... pero lo mi eabl con encubridor. Cisco y Panchito ta pisa den calla principal... Nos ta keda drumi aki? No, nos ta come y despues nos ta bai.



JUAN EL INTREPIDO

Abo aki nan, Paquita. Sali liger. Tio ta furioso y si e mester mira tui ta katu... Y Paquita ta pega su bala bau di e mesa di conferencia y di pronto e receptor... Mi Dios. Mi no ta tendo nada mas.



DICK TRACY

Nan ta revisando e asuntonan awor. E no ta sona. Idiota, boso hala y no mishi cune. Ken di? Number 4 tin razon — E no ta un bon. Esaki ta magnifico, nos ta mira nan cara bon awor.



RIP KIRBY

Boso keda tene warda. Mi ta bolbe asina mi hanja Sita. Bared. Cu Destino ta camina rond, Cindy lo sali den un expedicion pa su propio cuenta. Mi mester mira pa mi hanjele. E ta acercando. Solo un di nos lo sali bibo di di aki den.



EL PRECIO DEL TRIUNFO

Aki e reporte cu bo a pidi Sr. Saxon! Tan exacto manera mi por a haciela sin fama ningun sospecha. Danki, Perkins! E anochi ey, despues cu tur hende a bay cas... Tur hende... tur nan tarea, cada movimiento cu nan a haci. Laga nos mira si e ta significa algo... Algun foto despues. Na e punto aki, Laura Lucas a saca 4 ons di e concentrado no. 5. Pregunta: Quico e concentrado ey ta, y qui relacion e tin cu e hecho cu e theblachi di cuminda di Wright tabata bau di dje?



EL DIARIO DE UNA VIDA

Quico lo e a bin haci aqui na Devon? Eva ta punta. Seguramente e ta di paso. E ta bay London o Paris... o Viena... o Monte Carlo? E otro ta contesta. Mi ta bay traha... Eva... Mira! Ta parece mi cu e no quier pa hende miré tanto, asina, Melba... Ooh!



PEPITA

E talentador a lek. Lorenzo... Bo tin mester di e trapi y un jabi ingles. Lorenzo ta contesta, sin draai mira mesa. Boda. Subi e trapi y draai e schroef di arriba cu e jabi... Bon! e lekmento a stop inmediatamente! Danki, querido! De nadal!



W
A
T
K
A
N
K
A
N
K
A
N
A
N
A
L
L
E
N

Refrescante
BALS P.K.
WRIGLEYS
P.K.
MENTA
SALUDABLE...
DELICIOSO!

no lubida cu cada pedido bo ta hanja
6 botter of un recki gratis.
Pa haci bo pedidan, jama 1418 of 1152
CONTAL AGENCIES

N.W.I. Stars a „upset“ Aruba Jrs 32-25 Spes Jrs a gana Estrella 16-7

Di nos sportreporter

ORANJESTAD — Diamars anochi ariba cancha di Aruba Jrs. dos otro partido di e campeonato di basketball 1959 a tuma luga. E di promer tabata entre e quintetnan junior di Spes Patriae y di Estrella.

Hungando cu mucho mihor combinacion y mas tino di wega e hoben-citonan di Spes a supera nan rivalnan. Especialmente e ohikito zurdo Humpy van Triki a demostra hopi calidad y conocimiento di wega abas. Su dribbling ta masha bon, mientras cu e ta haci pasanan sigur. E score final di e wega tabata 16-7 na favor di Spes Patriae. Mihor anotadornan di Spes tabata H. van Triki y A. Odor cada uno cu 6 punto, mientras cu M. Maduro tabata e mihor di Estrella cu 3 punto. E wega aki tabata e di dos pa cada uno; Spes tin awor 1 gana y 1 perdi y Estrella tur dos perdi.

N.W.I. Stars 32 — Aruba Jrs 25

E campeonato di 1958 a sufri un derrota inesperadamente d'ene segundo wega ora cu nan a enfrenta NWI Stars. Tabata visto cu e quinteto di Socotora a subi terreno cu demasiado confianza di pan grandi, pero mescos cu den hopi otro ocasion e resultado ta bira net contrario di loke generalmente tabata worde spera. E confianza di Aruba Jrs. a bira mas grandi ainda ora cu nan a bai adilanti for di principio di e wega. Na halftime e score tabata 19-11 na favor di Aruba Jrs.

NWI Stars no a worde demoraliza pa e desventaja aki y a sigi hunga cu hopi entusiasmo. Apesar cu gran parti di e segundo mitad nan mester a usa hungadornan suplente pa e dos ruman Pole, cu a worde saka for di wega.

Stars ta empatar e partido na 19 punto un rato despues cu Walter a sigi su ruman Ralph for di wega ariba orde di refere pa motibo di wega mucho peligroso.

Di e instante ey e partido ta keda hopi parewe. Aruba Jrs. desesperadamente ta busca di bai adilanti, pero ta haci esaki unicamente un blaha mas ora cu e proximo fieldgoal ta di nan y e wega ta bira 21-19. Stars ta bolbe empatar y luego ta Aruba Jrs. ta haci e score 23-23. Un free-throw pa Stars ta pone nan adilanti atrobe. E blaha aki si nan no ta permiti nan rivalnan empatar y nan ta aumenta nan ventaja te na 28-23 promer cu Aruba Jrs. bolbe anota dos punto. Esaki tabata e ultimo punto nan di Aruba Jrs., pero Stars si a logra anota cuatro mas promer cu e pitazo final a sona.

E anotacion final a bira 32-25 na favor di NWI Stars. Manera ya nos a menciona e victoria aki di Stars tabata inespera, pero nos tin di agrega cu e tabata mereci ya cu nan a hunga

cu mucho mas determinacion pa gana cu e quinteto di Socotora. NWI Stars tin awor un victoria y un derrota, mientras cu Aruba Jrs. ta den mes posicion.

Tur wega di A-klasse cu expulsion te ainda

E partido di Diamars anochi entre Aruba Jrs y NWI Stars tabata e tercer di e campeonato clase A. Y den tur tres partido te ainda por lo menos un hungador mester a worde retira for di wega.

Den e encuentro inaugural Rudy Zandwijken a worde saka ora cu e no tabata di acuerdo cu un decision di refere Yesi d'Amank y dal e refere. Luego na tereno di Estrella e hungador di Aruba Jrs. Gochi Brion a worde retira pa motibo di wega peligroso y Diamars anochi dos hungador di NWI Stars, e rumannan Ralph y Walter Pole a ser saka pa comete foul peligroso despues di ricibi aviso di e refere.

Unicamente di Spes Patriae ningun hungador a worde saka te ainda. Cuatro partido tin hunga y cuatro hungador expulsa, un di nan lo ta pa un periodo di dos anja.

Nos no ta kere cu e medidanan aki tuma door di e referenan lo tabata necesario si e hungadornan en cuestion hunga manera debe ser y no comete hechonan cu ta hustifica e decisionnan di e tres diferente referenan. Door di hunga di e forma ey sigur nos no por spera mucho progreso den nos basketball. E deporte aki ta uno cu tin masha hopi body contact, pero no ta necesario pa e contact aki bira peligroso pa ningun hungador. Naturalmente ora cu un hungador haci un hugada malicioso cu por tin resultado peligroso esaki ta perhudica henter e deporte di nos isla. Un mal caida por resulta den un man of pia kibra y tambe den un conmocion cerebral, loke por tin consecuecianan grave.

E hungadornan mester realiza cu ta amateur tur ta y cu si sosede un desgracia serio no ta tur ta segura, mientras cu tin desgracia cu ningun clase di seguro por drea. Nos ta spera cu tur hungador lo tuma bon nota di esaki y percura pa evita desgracia.



(for di responsabilidad di Redaccion)

Sr. Redactor di Arubaanse Courant fabor concede mi un espacio den bo diario pa lo siguiente, di antemano masha danki.

LOGICA

Fichi Croes, diputado, a worde sentencia door di Corte di Justicia, acusa di a nek Richardson un suma di NAF 2.400.—. Basa ariba e sentencia aki Richardson a exigi su cens i a bai over na pone beslag riba Fichi su cas pe (Richardson) haya su cens back. Sr. Itrausquin, manera el tabata haciendo desde anja 1949 a bolbe yuda Fichi i a paga e NAF 2.400.— plus 600.— mas di gasto na Richardson. Awor ta muy logico cu si Fichi a DUNA Richardson tur su cens completo anto Richardson a haya dos vez e suma di NAF 2.400.—. Como Sr. Itrausquin a yuda Fichi pa anjanan largo lo ta masha DEMOCRATICO i CHRISTIANO pa Fichi exigi Richardson di DEBOBLE e suma di NAF 2.400.—; asina e (Fichi) por duna e suma ei na Sr. Itrausquin back.

Apreciable lector, bo'n ta haya cu esei ta masha LOGICO???

OSBALDO CROES.

Air Condition
your home

Cumpleanjos feliz

E simpatica Senjorita Ligia Boekhoudt ta celebra su feliz cumpleanjos y ta ricibi felicitacion di su tata Buchi, mama Chichita, rumannan Margot, Chido, Frans, Greta, Mena, tambe di su pepe Zita, tanta y omonan, primo y primanan, welo y welanin y demas familia Boekhoudt, Kelly, Croes y de Mey.

E hoben Jani Maduro a cumpli 13 anja. Felicitacion ta bini di su tata Serapio, mama Lala, rumannan Ilda, Federico, Juan, Dominico, Dora, Benito, Claudio, Martin, Jolanda, wela, tanta y omonan, primo y primanan y demas familia.

Hopi pabien ta bay pa Senjor Leandro Tromp, pa parti di su tata Angel, madrasa Theresita Tromp, di iha Nito, Ina, Hector, Ily Tromp, especialmente di su iha Ersilda Tromp.

Senjora Maxima Kelly a celebra su feliz cumpleanjos y ta ricibi felicitacion di su esposo Bernard, jinan Pablo, Eddy, tambe di suegra Tina, suegroman Lino, tambe di familia Kelly, Werleman, Bello, Kock, Win-tendaal, Vrolijk.

**HOLOSHI
MODERNO
DI MESA**
Un adorno
pa bo
cas